



興國縣志卷之二十三

人物一

理學

宋

李潛字君行唐尚書邁六世孫年廿餘游學楚州處士  
劉師正問在此何欲曰父命應舉俟得第後歸今以葦  
服輟試欲就此修學待下次應舉也師正曰不然夫不  
可得而久者在父母之左右也潛遂歸鄉里益厲門內  
之行以去利欲爲主嘗謂利欲去則誠心存矣登治平  
四年進士歷洪州司理嘗知新淦時鹽法方行望風旨



者多峻急民間破產十居六七潛獨下令聽民便或曰無以身試法潛不爲動法亦隨罷遷太常博士定皇太妃儀制執父喪足不入私室起復入京至泗州其子弟請先往潛問其故曰科場近欲先至京師貫開封籍取應潛不許曰汝虔州人而貫開封戶籍欲求事君而先欺君可乎寧遲數年不可行也旋監泗州僧伽塔年五十餘矣篤行自守不交當世時右丞范純禮爲發運使深知之力薦於朝遷太學博士校書郎紹聖中力求去知蘄州遂請老元符三年驛召賜對管勾宗子學比國子司業蓋有陰沮之恐在要地者伊川程子問從學者

曰李君行何以復出對曰李司業承朝廷美意不得不出然且歸矣及至京師果引疾歸潛生平爲學以行已爲本不爲空言嘗語學者云吾徒學聖人當自用意看易書詩春秋論語孝經而已中心既有所主則散看諸書方圓輕重之來必爲規矩權衡所正以經書論語孟子秤量衆說其輕重等者正也其不等者不正也呂好問兄弟皆與潛游蘇徹罷知汝州潛往見之與論當世事轍恨相知之晚三子朴格楫繼登進士弟渾暨渾子存皆有時望卒祀鄉賢

參省郡縣志宋呂本中童蒙訓

按志林李潛傳註云合採宋史李朴傳朱子小學今

考宋史李朴傳不載潛事小學所引禁子弟貫開封  
戶籍一條本之呂氏童蒙訓不得但言出朱子小學  
也蔡黃二志云起復補蘄州元豐辛酉進開封尹元  
祐丁卯拜司空中書令卒贈開府儀同三司謚文簡  
與呂氏童蒙訓所載多牴牾蓋潛官校書郎力求去  
知蘄州遂請老事在紹聖中前此校書郎之擢由於  
范純禮之薦純禮爲江淮荆浙發運使在元祐初由  
京西轉運使入爲吏部郎中之後足知元豐四年辛  
酉元祐二年丁卯尚監泗州無進開封尹及拜司空  
中書令之事也志林本贛郡謝志刪除元豐辛酉元

祐丁卯八字但言歷官某賜謚某初疑或在元符三  
年驛召賜對之後然觀當時學者告程子之語則知  
出處之際賢者蓋壽之熟矣公歷官止於司業故當  
時則稱李司業而紀載其言行者必稱先生蓋不以  
官爲重也竊謂君行先生爲興邑理學名儒之冠就  
令終老布衣亦何害其賢况呂好問呂本中實與先  
生父子世敦交誼本中所作童蒙訓朱子嘗採入小  
學其言自更可信又記元祐末君行先生與楊應之  
學士同在京師安靜自守諸公以其不附己不甚肯  
進用當時議者謂楊李二公如在言路必不肯委靡

自己縱無所益亦必極言而去觀此則知終元祐之世未經柄用更無可疑矣茲採呂氏童蒙訓參以舊志別爲此傳似於先賢言行發明較多至於文簡之謚司空中書令之官階闕疑焉可也

李朴字先之潛子登紹聖元年進士第調臨江軍司法叅軍移西京國子監教授伊川程子獨器許之移虔州教授以嘗言隆祐太后不當廢處瑤華官事有詔推鞠忌者欲擠之死使人危言動之朴泰然無懼色旋追官勒停會赦注汀州司戶徽宗卽位翰林承旨范純禮自言待罪四十六日不聞玉音謂朴曰某事豈便於國乎

某事豈便於民乎朴曰承旨知而不言無父風也純禮泣下右司諫陳瓘薦朴有旨召對朴首言熙寧元豐以來政體屢變始出一二大臣所學不同後乃更執圓方互相排擊失今不治必至不可勝救又言今士大夫之學不求諸己而惟王氏之聽敗壞心術莫大於此願詔勿以王氏爲拘則英才輩出矣蔡京惡其鯁直他執政三擬官皆持之不下復以爲虔州教授又嗾言者論朴爲元祐學術不當領師儒罷爲肇慶府四會令有奸民言邑東地產金寶立額買撲破田疇發墟墓厚賂乃已朴至請罷之改承事郎知臨江軍清江縣廣東路安撫

司主管機宜文字欽宗在東宮聞其名及即位除著作郎半歲凡五遷至國子祭酒以疾不能至高宗即位除秘書監趣召未至而卒年六十五贈寶文閣待制官其子孫二人朴自為小官天下高其名蔡京將強致之俾所厚道意許以禁從朴力拒不見京怒形於色然終不害也中書侍郎馮熙載欲避事熙載笑曰不能見蔡京焉能邂逅馮熙載耶伊川程子嘗以洛中風波為戒朴曰不意先生亦為此言伊川改容愧謝居官所至有聲在廣南止其帥孫焱以文具勤王不若發常賦助邊使遣鄭良引真臘取南安之計以息邊患人稱其智

嘗自誌其墓曰以天為心以道為體以時為用其可已

矣蓋敘其生平云有章貢集二十卷行於世祀鄉賢

志宋史本傳

宋史新編柯維騏論曰徽宗政出權奸仇視善類士

之覬利者貢諛慮患者循默習俗風靡久矣李朴負

直節歷歷陳時弊無諱帝未嘗不嘉美乃竟厄於讒

所謂善善而不能其失國宜哉

按郡志及蔡黃二志皆刪去傳中對范承旨之語志

林備錄之而於郡邑舊志所載伊川改容愧謝之語

則據宋史本傳削而不錄殆以伊川大賢不可輕議

歟竊謂伊川程子與范彝叟純禮皆先生父執於父  
執所言有疑正辭以對一則泣下一則改容愧謝高  
風古誼兩不可及似不必有所遺取也君行先生嘗  
論論語居敬行簡以爲仲弓未以聖人之言爲然而  
問之而聖人以仲弓之言爲然學聖人者如仲弓可  
也然則先生之致疑於程范而不敢不以正對者蓋  
家學也呂氏童蒙訓載先生離洛時請教於程子程  
子告以當養浩然之氣又載先生語學者云以舉業  
育人才不知要作何使用今傳中皆未之及特附記  
於此

又按張損持太史云李君行先生父子以純學扶其  
亮節當熙寧紹聖道術分歧之會利回威詔不動於  
中所景從契合者多涑水河南新安之徒奕世載德  
聯芳競爽虔州置郡千餘年惟贛之會興國之李家  
門風軌茂焉而郡志凡例則云虔郡惟雩都何黃諸  
君得統陽明足爲人物增重因他邑無可儕舉故不  
立理學門類竊謂理學門類誠不宜輕立近時瑞金  
羅有高作鄧自軒墓表云贛在萬山中文明所被者  
微矣周濂溪先生過化贛南未聞從遊之士有贛人  
焉陽明先生講學軍門而雩都始有何黃袁管四先

生出至養愚李先生乃粹然一以朱子爲宗此其持論與損持太史無異蓋皆以虔郡人物惟雩都得立理學傳也然考寧都有會唯菴諱興宗者親受業於朱子之門朱子稱其用功正當宋淳祐間寧都建立梅江書院已崇祀之興之君行先生父子旣以純學扶其亮節自當仿照宋史道學傳體例序學行處宜詳今夷考其師友淵源及生平論學之語益知虔郡理學斷當以君行先生父子爲首寧都之唯菴先生次之其謂雩都而外他邑無可儕舉者過也

名臣

唐

鍾紹京字可大清德鄉人唐時縣未分爲贛人魏太傅繇十五世孫母夢流光入口而生有當門雙齒甫數齡卽知孝得瓜果先進二親長工書法號小鍾初爲司農錄事尚書裴行儉薦直鳳閣景龍中爲官苑總監會韋庶人之難臨淄王隆基與紹京洎故朝邑尉劉幽求衛尉卿薛崇諫利仁府折衝麻嗣宗等定策討之臨淄王日晡微服與幽求等入苑中會紹京廨舍逮夜天星散落如雪幽求曰天意若此時不可失於是萬騎果毅葛福順李仙覺屯元武門斬左羽林將軍韋播中郎將高



嵩以殉臨淄王遂與幽求等出苑南門紹京帥戶奴丁夫二百餘人以從斧關而入帥總監及羽林兵至太極殿斬韋后分捕支黨盡誅之夜拜紹京中書侍郎參知機務明日進中書令越國公實封五百戶賚賜與幽求等後睿宗用薛稷謀改戶部尚書出為彭州刺史元宗即位復拜戶部尚書改太子詹事或告紹京等怨望下紫薇省按問紫薇令姚崇言紹京等皆功臣乍就闕職微有沮喪下獄非宜乃貶果州刺史又貶懷恩尉再遷温州別駕後入朝見帝帝惻然即日授太子右諭德久之遷少詹事年踰八十卒德宗建中初錄武德以來宰

功臣勲名特高者差為一等追贈紹京太子太傅宣宗太中初繪像續圖凌煙閣將相功臣紹京與焉祀鄉賢三子嘉璧晉州長史嘉瑋太子典膳郎山陰縣公嘉瑋左領軍衛長史

按志林據新唐書本傳元宗本紀韋后傳通志府志縣志人物傳又採唐書忠義傳合錄之孔志復稍加增刪今兩存之

宋

李謙字和卿朴從孫少承家學淳熙間舉進士為安福縣尉嘗獲盜不願酬賞班次累官太常寺丞提舉浙東

值歲饑賑濟有方遷左司郎中再遷左司諫光寧間上封事義氣激烈趙汝愚讀之曰臺諫手也呂祖謙以直節被竄安置韶州謙獨餞之贈以詩忤韓侂胄罷歸築圃雲峯號白雲居士祀鄉賢有文集四十卷參郡志

胡希章北隅人嘉泰壬戌進士授起居舍人景定甲子上疏言天變請黜賈似道謫荆門令後以葉夢鼎薦守建康沿江制置副使賑饑修學選將練兵以恢復中原為己任咸淳庚午疏請兵援襄陽不許尋以疾致仕林志

明

呂復字仲善號易窻南隅人洪武初宋濂劉基以文學

交薦徵為國子典膳時修元史闕順帝三十六年事無考遣使十一人乘驛分行天下凡詔令章疏拜罷奏請布在方冊者悉輯之或涉番書則譯而成文若乘輿巡幸宮中隱諱時政善否民俗歌謠以至忠孝賊亂灾祥之屬或見之野史碑碣家集中莫不諮訪刻期還報復被命以八月適北平十一月奏進轉而之山東明年三月奏進時河水方凍大雪深二三尺駕牛車遵陸而行呼吸間冰生於鬚夙夜馳驅搜採詳核所集之書北平帙八十山東四十摩挲碑文北平四百通山東百通以高麗翠紙為之衣借行中書官印識之洪武三年八月

開局故國子監四年六月纂修書成賜金及高麗繭紙以功遷太常典簿尋為丞遣祭鳳陽皇陵中都大厲奉命校定郊社宗廟燕饗四禮朝祭冠婚四儀制度籩豆禮樂纂紀成編進禮樂圖稱旨拜中奉大夫太常卿歷官中外二十餘年乞休歸里卒謚文恭祀鄉賢復淹雅藻拔所與遊皆當代名儒其以采史使也趙汭胡翰李克正皆贈以詩宋濂為之序又銘其所賜繭紙而答祿與權跋之與泰和陳謨廬陵吳師魯為詩酒唱酬所居營邱山房一時名士題咏甚夥

采宋濂採史序蔡志志林

張尚瑗曰李宣國初進元史表云上自太祖下迄寧

宗據十三朝寶錄成書元統以後載籍靡存已遣使而旁求俟續編而上進宋文憲公錄日後記續進之書紀十志五表二傳三十有六凡前書所未備頗補完之呂司丞奉詔采史正其事也史稱二月續修七月成書呂序則謂八月開局至來年六月而成皆景濂一人之言不知何以互異今世但知王宋之總裁趙璘等十六人十五人之後先分纂庸詎知周爰諮諏更有十一人為適野之裨諶乎仲善有副本采史目錄藏於家使其書存庚申君之軼事卮言必更多可考而湮沒無一留遺者予從金華集海桑集列朝

詩集摛摭採得其詩文因以識仲善之爲人爲傳以登之邑乘之名臣又若爲呂氏采史者已

國朝

王思軾字坡仙一字眉長清德鄉澄塘人父鼎相以孝行著別有傳思軾甫四歲童心神悟至性天成書過目不忘年十六補弟子員敦孝友父兄前恂恂惟謹康熙戊午膺鄉薦壬戌成進士選翰林院庶吉士授檢討丁卯典試順天所拔多知名士歷陞日講起居注侍講侍讀學士壬午主試山東特疏奏請闕官卷以廣民額晉通政使司轉內閣學士充經筵日講陞禮部侍郎奉

命往遼京恭祭

太祖如禮又奉

命按浙省科場竇弊廉得其隱特委任往勞西征將士盡得歡心爲人謙冲和厚不見圭角立朝數十年清愷自持每班行議事不以辨論爲能有不可不爲隱忍附會當時鉅公皆服其度年七十乞休歸

寵賜優渥輦下公卿贈以詩成帙掛帆南下止書籍盈篋而已養病數歲每朔望必朝服叩

闕所著有大雅堂集

徐省郡志孔志

儒林

宋

李格字正之潛子篤行博學克肖其父登元豐己未進

士紹聖中知江寧府上元縣歷仕殿中侍御史煥章閣

待制尋以病不起學士大夫惜之

蔡舊志呂本中童蒙訓

李楫字濟之與兄朴同登紹聖甲戌進士官翰林承旨

兄弟克恢家緒學殖淵富清風峻節表豎當時

蔡志

按舊志李潛三子曰朴格楫呂氏童蒙訓則以格為

朴兄與家譜所載不同未知孰是

明

謝魁字文杓北隅人沈潛嗜學從王文成公守仁遊深

所器重時軍務旁午有謁者嘗曰先與文杓語來選入

南雍歐陽祭酒德命二子師之授虞城令築堤禦水為

民利賴改樂昌菴年乞歸卒著有南雍語錄祀樂昌名

宦子稼亦淹貫經史有聲士林

蔡志

蕭珏字貴登東隅人性孝友天資英邁書過目輒成誦

以古人自期嘗從吉水羅文恭洪先學究心宗旨務在

力行縣令海忠介瑞少所許可獨推重珏貽詩有雲根

結社之句因自號雲山居士超然物外邑中有義舉必

倡首為之後令盧晉踵請賓席子魁作縣有聲

蔡志

國朝

王鼎相字梅巖父貴卿明天啟中官建寧教諭生鼎相於官廨及就傅書經日不忘甫踰十齡郡試冠童子軍督學使侯峒曾以其幼疑之更於他邑再試乃大奇之順治甲午由恩貢就試京師家宰杜立德重其名特邀相見曰陳無已張無垢之流也當謁選舍之而歸家世受易既里居潛精體玩以傳義折衷諸家博綜史事上下其是非成敗之蹟著易經集解史斷各若干卷雪園詩稿一卷自號激泉性至孝初喪父及母李而生母劉尚無恙經兵亂士大夫葬養多不如禮鼎相獨破產為之不肯苟一夕寇至家人走登樓母以年老不及登鼎

相從數仞樓躍而下掖母適母以他救免鼎相亦無恙母已歿厝處去寇尤近邨中夜數驚鼎相伏柩側哀號不去寇見之相誠不犯後以子思軾貴屢封如其官先是其父嘗藏千金地穴中為鄰所瞰攫之去鼎相知而不言子貴益務謙厚有犯者輒不較卒祀鄉賢參郡志志林劉天真字汝迪號去偽大江團人順治戊戌歲貢康熙乙酉授安仁訓導李中丞基和閱其文擊節曰此真經師也促令上事安仁諸生素耳其名踴躍迎郊外逾年以老謝歸天真貌清羸恂如不勝衣遇少年盛氣者輒為之下人卒不敢有所加焉尤樂誘掖後進有願承教

者不憚諄復指畫自少時應舉專治易遂獨邃於易自周邵程朱而下旁及元明易學諸家凡僣衍所蓄無不薈萃手鈔積至四五十萬言著河洛先天圖說多先儒所未發卒年八十有五

參通志志林

按天真學行載江西通志贛郡方志不為立傳始偶遺之歟今考志林載天真河洛先天圖說云圖書皆以五為中宮此中即未發之中五即建用皇極之五通書之無極太極皆此中也或曰河圖中五與天五生土之五有以異乎曰繫辭傳曰樂天知命故不憂安土敦仁故能愛此天乃人心之天非形氣之天也

土乃人心之土豈形氣之土哉五聲還相為宮一聲各具五聲五聲各自為中而宮亦居五聲之一如甘之受和白之受采所云至樂無聲者即存焉王中心無為也以守至正王位乎中而心復位乎王之中無為則無不為至正則無不正此一段至精至粹後人搜輯遺文雜取天真生平隨手劄記之語統名河洛先天圖說分為上下二卷閱者遂以為果出天真之手是亦失不深考耳昌黎有言莫為之後雖盛弗傳志林所錄雖止一條然已足以傳矣故附錄之以存其真

宦業

唐

李邁字彥超衣錦鄉人登咸通癸未進士縣志作庚辰性正

直會以宦官為館驛使臺諫爭之不從即抱憤南旋同

年劉承先語曰君負才略宜從容得位以圖肅清何嫉

邪之亟耶後從安南節度高駢討平李涿餘黨賜金紫

晉秩光祿大夫乾符中詔從招討使曾元楷追斬王仙

芝拜兵部尚書乞致仕歸宋進士潛渾皆六世孫郡志

宋

李渾字公初潛之弟以文學行誼著於時登嘉祐辛丑

進士為南安司理有治聲司馬文正公光薦為秘書省

校書郎同館雅推重之卒南安見祀南安名宦蔡志

明

朱仲恭竹壩人貢生福建清流知縣當元季寇亂集流

亡課農桑修學校政事卓然可觀見八閩通志贛郡謝志

劉廣字若深西隅山下人景泰間以歲貢授內邱知縣

丁艱服闋補陽山勤政恤民邑初無城嗣寇時擾廣拓

地量工版築具舉一時雉堞鬼然地方賴以保障都御

史葉盛上其最未及擢用卒於官蔡郡志

李迪字循道東隅人景泰天順間以鄉貢知開州修葺



城池作興學校天順己卯增廣學基地二百畝有奇州人御史甘澤爲之碑在任多年拯救饑荒招撫流徙蓋種種有惠政云

郡志

謝詔曰李迪開州志止載名籍及修城拓學兩事不爲立傳亦未言乞留進階舊邑志云以朝列大夫致仕而新志則謂陞湖廣參議又增侯英谷衍二公以童子見知爲請於朝表其墓且侯都御史英谷方伯琰同登天順進士後迪增廣學基直一年耳豈二人登童子科耶并二公姓名俱錯州官告致加藩參衙沒而奏請表墓事不經見

按志林載鳳渚此條於訂譌傳則稍有刪節茲據郡志并原跋存之

鍾胄字士魁北隅人舉景泰丙子鄉試

孔志作己卯

知山東

濱州饒有幹局而操持甚峻以憂歸家囊無餘積補知

沅州卒

蔡志

胡濟字汝舟北隅二里人貢生初授澧州同知採木有

功丁內艱服闋補壽州清謹獨持僚友敬憚歲饑嘗出

俸以飼餓者秩滿告歸終養以禮義自守族戚咸畏服

之壽九十餘歿祀鄉賢

蔡志

李朝字廷臣迪子宏治丙辰貢生性溫直儉樸爲湘鄉

丞不私故舊不畏權勢縣督賦有常例卻不取攝安化  
象他盜侵公帑疑種藝者當道欲重寘之法朝廉得其  
寃狀力為辨白得免居八年告歸娛心經史咸稱直夫  
先生蔡志

李揆字文教朝長子正德戊寅歲貢授齊東令邑中科  
目久缺揆至視其學宮不利卜地移之越二年第者三  
人以憂歸後補三水興寧所至皆有德政蔡志

胡咸寧字惟謙北隅人為諸生有名貢入南雍甚為大  
司成余文敏公同麓所賞識已謁選除丞長洲清操刻  
勵政府有止飲吳江水之褒以最遷慈利令其操不改

海忠介公瑞嘗貽書云吾友居官如此真能不負所學  
矣蔡志

蔡志

呂臺字子瞻東隅人嘉靖己丑歲貢授溫州府判永嘉  
令伍某人誣以墨直指按部屬臺逮之臺曰彼少年甫  
第寧有此廉鞫果得其誣後伍竟得顯仕臺尋丁艱歸  
服闋補南陽府視篆裕州以廉介稱卒於官蔡志

王誦字均文北隅人嘉靖壬辰選貢任蘄州同知服闋

補東平遷鄖陽行都司經歷綜理太和山大工加五品

服俸宦遊十數年歸里無餘貲卒之日猶手持綱目正

襟危坐而逝盧令東矚銘其墓蔡志

謝宗文藍田西上人萬歷壬辰選貢為崇德縣丞以慈愛廉平稱致政歸浙士贈其行有一官清擬語溪水半畝歸鋤古澗雲之句子桂芬以孝友著聞蔡志

歐陽暎字瑞州西隅縣前人萬歷丁丑選貢任安慶府判為政清敏不務苛刻郡有歐青天之謠蒞任三載卒於官學士習豫南銘其墓蔡志

蕭魁字希解珏子事繼母以孝聞弱冠食餼萬歷丁丑

序應貢有友人親老固遜之督學王公額其門曰敦讓高風已卯膺選與銓廣西遷江知縣尋丁艱服闋補四

川璧山惠政淪洽士民歌呼當道方交薦其賢遽移疾

乞歸杜跡公庭婚喪一準家禮鄉人聞風多所興起蔡志

劉得由字汝及慎中次子萬歷丁酉貢任歙縣丞修河

西橋告成適縣水灾府委收殮漂溺者多捐貲買棺賑

其貧乏邑民頌德蔡志

蕭得崇字景會魁仲子邑諸生萬歷丙午准貢補國學

丁巳授橫州判官署州篆捐俸賑饑施藥療眾改修學

宮延聘經師士民戴德蔡志

鍾鳴亨屋山里人礬裔孫任四川都司經歷署丹稜縣

事發倉賑饑作興學校修舉廢墜善政流洽士民有去

後思遷審理以例加授趙府長史侍講幼主剔蠹防奸

兩臺交薦進正四品服俸參蔡志郡志

國朝

呂大夏字希宣明太常卿復十世孫幼敏悟書過目成誦年十三冠童子軍旋食餼庶熙甲子膺鄉薦留意民事邑關稅濫徵米穀大夏力呈上官裁革授直隸樂城令設義學捐俸掘井灌田民賴之曰呂公井暮年解組歸里常與張令尚瑗唱和著有可園詩集四卷凡志  
人文字經天號質存椰木人乾隆庚申拔貢由教習期滿授湖南寧遠令勸課農桑訓民興行公餘作課藝諸生程式關中楊鸞為之序調知桑植纂輯邑

志考核精詳桑植山多田少嘗苦旱曠教民築塘置備水車民遂永享其利去任後起復補安徽蕪湖令卒於

官新增

鄭培字升秀朝選子廩貢授饒州府學訓導新文廟修禮器整頓士習秦觀察承恩延主芝陽書院講席課士有方觀察愈引重加禮貌焉乾隆三十二年奉檄分勘水災培所勘獨稱平他委員多假手胥吏民苦不均郡守廉知之命培覆勘多所更正冬月復奉檄督修圩堤工竣民忘其勞各立木主於鄉之社歲時祀之新增

工勉其忘其勞谷立木主飲喉之振蕙執孤之飲

尚兼映之命部費博之池更五冬民野奉熾晉進社畏

水災計祖博繼蘇平州委員多難手督吏且苦不民勝

育式購發愈臣重吡甄應語漳劉三十二平奉謝心則

甄器整帥士督秦賸察承恩或主安則書劉藉亂器士

獲計字氏委賻毀于稟貢甄勳陝京學臨善濼文廉計

官飲

水車且救派享其味走卦益跋財蘇安燿蒸騰介卒飲

志未蘇蘇精桑蘇山參田少嘗苦旱艱楚凡業製雷雷

興國縣志卷之二十四

人物二

忠義

宋

鍾紹安北隅二里人嘉熙戊戌進士銓分官主簿有政

績遷上杭令宋末從文天祥起義勤王死祀鄉賢郡志

按紹安為興邑人物忠義之冠志林載宋忠節十二

人皆從信國開府興邑者但言紹安祀邑鄉賢不及

死難之事贛郡謝志科目表則云從文丞相勤王奏

功誥旌之黃志亦止言從文天祥起義勤王奉詔嘉

獎孔志增死難二字又云咸淳二年詔書嘉獎忠節  
未知何據考鍾氏族譜天祥抵興國紹安散家財召  
募里中義兵八百餘人應之詔書嘉獎事當在景炎  
二年其非咸淳二年明矣譜又載信國被執後紹安  
欲自刎僕力救止返里謝絕人事祥興二年卒其以  
忠獲褒而實未死難亦明矣今從贛郡方志而附識  
其散家財召募義兵事於此

鄒嶧官奉御與文丞相天祥募義勤王營寨於衣錦鄉  
團大坑山累石爲墉門隘三層去縣百二十里未幾爲  
元兵所敗執之北去後人名其地爲鄒公寨

參袁志  
志林

按損持太史云嶧之名宋史及督府忠義傳皆不載  
蔡黃二志闕焉然袁廣文天麒鄒公寨記事皆據實  
必當有考姑附於末蓋已附於信國起義十一人之  
末復附於贛郡志忠節傳之末而終不敢以嶧爲非  
興國人也方志削之抑已過矣今據謝方伯郡志及  
志林所錄補爲此傳後人覽此知信國之志回天命  
而氣感風雷邑中同矢忠義者自鍾紹安而外復大  
有人是亦可矣亦何必以蔡黃二志之失載輒疑鄒  
嶧或卽鄒瀛耶考鍾氏家譜載紹安與鄒嶧等遇李  
恆戰於表湖同敗北復與信國會同至空坑欲就鄒

瀨於永豐嶧與瀨爲二人明矣

又按孔志云從信國起兵死節者鄒瀨趙時賞鞏信劉子俊陳子敬張抃杜澣蕭資劉伯文張日中鄒嶧皆非本邑人史傳各詳志之概不登載今考志林明言嶧名爲史傳所不載如鄒瀨劉伯文皆吉水人趙時賞和州人鞏信安豐人劉子俊廬陵人陳子敬贛縣人張抃蜀人杜澣天台人張日中南城人惟蕭資鄒嶧皆不知何處人資兵敗之後死於潮陽嶧有屯兵遺蹟袁廣文爲之記故贛郡志忠節傳陳子敬之後卽錄鄒嶧蓋陳係贛人鄒或係興國人但不敢質

言之故曰姑附於末也

明

丁傑縣丞昂子昂歿於官無留貲喪不得舉因占籍焉正統十三年用儒士薦爲本邑訓導奉府檄署龍南縣學事率諸生講學於堂流寇猝至佯厲聲拔刃以威之傑端坐不動曰士可殺不可辱吾方以聖賢之所教教人豈肯爲汝屈耶賊怒遂兵之泰和曾琮爲之傳

蔡志

鍾迪海爲縣筦庫吏正德五年流寇入城將劫庫藏迪海先匿之賊至無所得執迪海榜掠百端終不言賊怒

立斬之

蔡志

蔡鍾有曰仗節死義之臣代不數見求之胥吏之微  
 抑又難矣正德之變署縣者脫身遯以城委賊賴迪  
 海而國帑獲全後四十年嘉靖辛酉寇禍遂公私靡  
 有子遺豈非風聲不樹而人不知死義之所致耶書  
 此為之三慨

李田字見龍東隅人崇禎癸未以歲貢為泰和教諭遷  
 廣東長樂知縣有土賊為民害久前令視撲滅為難相  
 率因循田初蒞事遽請於上僚以官兵進勦兵遲久未  
 至奸民與賊通者漏言焉賊先發攻城城中無兵田被  
 獲曰寧殺吾一人無濫及無辜赤子田有僕願代死賊

不聽而殺田田刺血題詩云有生皆有死身死何足惜  
 只會一卷書何堪萬人敵體虧親受辱名殞節自殖寄  
 語千秋史為予顯心迹田在官刻意拊摩百姓愛戴倉  
 猝中民爭護其家屬以免復襄助資給得歸蔡通志黃志林  
 蕭廷上邑諸生丙戌七月萬元吉第六吉以廣西狼兵  
 援贛廷上與諸生彭玉生潘得先等率社兵百餘人迎  
 之未至城六十里舟被焚廷上戰死林志

謝武烈北一里人由武舉為贛州府武學教授陞御營  
 都司丙戌十月城破被殺四子同日弁命林志  
 鍾昌明邑諸生與社兵之選丙戌八月從總督中軍曹



志建帥偏師出南門禦戰兵敗俱死志林

曾聯甲字贊璣以武力稱寧都會給事應遴糾兵援贛

以聯甲自隨後死於信豐志林

廖任隆字凝和廖宏志字蓋臣廖日閑字威抑同族兄

弟行皆邑之諸生也從寧都會某聚鄉兵謀取粵都戰

於壇石被執戮於市死之日凝和有妹往哭凝和笑叱

之慷慨就刃志林

曾國龔字參元邑諸生甲申流寇陷京師北面痛哭迨

後郡將至令薙髮易服不屈遂見殺新

孝友

宋

蕭行可字見仕西隅人大觀三年進士父母歿自運甕

土營墳為豫章宮校秩滿將遷以論事不合棄官歸裝

蕭然惟書籍一車而已後累徵不起嘗輯錄國學一書

歿祀鄉賢理宗寶慶中舊志作淳熙戊戌今從郡志更正縣尹趙不遇

於其居址請建孝行坊以表之參郡縣志

元

歐陽原遜字巽亨西隅人母病經歲弗瘳泣禱於天割

股肉啖之母獲痊增補

明

呂叔素小字瑣住南隅人太常卿復之子父歿偕弟叔熙叔寅廬墓三年母歿亦如之時有感召里人共詫為異縣丞劉誠忠上其事詔旌之復其家唐令子儀美之以詩

參郡縣志

按叔素兄弟廬墓時蔡志謂時有猛虎馴其墓又有異人餽之蔬食忽不見志林全刪之修府志時覺未可盡沒故括之云時有感召里人共詫為異今仍府志原文然天下至奇之事其理歸於至常舊志馴虎餽蔬等說安知非實有其事耶附識於此似不必以語怪為嫌

凌汝祥寶城鄉人少孤貧力耕養母母歿廬墓啜粥飲

水朝夕哀號不輟以毀瘠死章令廷圭有詩晚之

蔡志

呂承廣東隅人年十二喪父對人言輒隕涕母有目眚朝夕不離寒則令妻溫被朔望常露禱以祝母壽母年九十而卒臨殯連阻雨雪承廣籲天泣拜是日忽開霽人稱孝感

蔡志

王仁政一名繼生字瑞麒西隅人欽裔孫父克明早喪侍母彭氏母歿苦塊齋戒三年又追服父喪三年見鄉間多貧不能延師教子為開義館召集童蒙教以小學陰隲等書免其束脩知縣伍善聘為社學師歲節哀號

思慕二親至老不衰宏治十五年以孝行旌

參蔡志孔志

按謝郡志削仁政傳說詳朝綱傳後志林從之孔志

據蔡志增入今從孔志

王朝綱仁政孫幼知書禮母曾氏病衣不解帶湯藥必

親正德五年流賊掠城捨死扶救病母得全母歿廬墓

終制哀毀幾絕有司上其事詔旌之復其家

參郡縣志

謝詔曰新志改為喪父母又增魚鳥奇萊之異似為

添足又增朝綱祖仁政宏治間亦以孝誼嘉靖十六

年重承恩命豎造世孝牌坊果爾當隆慶庚午修志

時何以錄其孫而遺其祖耶即牌坊款列孝子者三

此呂叔素呂承廣王朝綱三人而無仁政名又何也

此不知其解大都興志多類此

孔興浙曰嘉靖十六年知縣李菽為度西門外官地

隨就丈量界至給豎世孝坊住屋萬歷四十六年合

族重修知縣蔡鍾有為記乾隆丙辰燬於火孫監生

王士威合族人議復建乾隆癸亥又燬於火孫生員

王敬售合族人復建祠其坊廢

按贛郡謝志據隆慶庚午邑志作居祖父喪守靈三

年杜門不出居祖母喪廬墓終制其所謂新志蓋萬

歷四十八年蔡志也損持太史於志林則從蔡志作

居父喪杜門不出居母喪廬墓終制而於府志則改從謝志今考王氏家譜朝綱父歿時僅五歲祖父歿時理應承重然僅八歲童稚之年果能以喪故杜門不出耶至祖母歿時朝綱年甫三歲更不容有廬墓終制之事惟母歿時朝綱年六十有三母曾氏年九十有五當更得實故參考郡縣舊志另為之傳鳳渚之論則附列焉

王權字鉅卿北二里人幼孤才立事貞節祖母鍾氏老羸扶侍孝養始終罔倦母謝氏待之最嚴百方承順竟得歡心蔡志

王瑋字俊卿北二里人父死瑋年甫十四奉母以孝聞

拮据為諸弟畢婚田宅盡讓其華腴者母歿獨任葬事

遇諱哀思蔬食終身邑令賓禮之卒年八十有二蔡志

李拊字文和朝次子性醇樸幼失怙事母孝母疾積歲

湯藥必親居喪苦塊三年兄揆赴選乏資斧鬻產助之

雖貧極無怨言邑令海瑞贈以粟帛聘為鄉校師沉酣

經史至老不倦蔡志

鍾毓徽字述江北隅人父早喪事母陳氏以孝聞母歿

苦塊蔬粥三年鄰居失火毓徽伏棺號泣風息火滅吳

令宗周上其事巡撫王公獎以粟帛蔡志 志林

方似渠字從甫廷對九世孫少有至性母病夜叩北辰請以身代比居喪苦塊如禮事繼母無間所生母亦愛之如己子為諸生嗜學篤行年未五十卒士論惜之蔡志

劉望雲順義上人力耕事親母病篤割股為藥飼母得

甦里鄰呈縣旌賞蔡志

劉士鳳順義上人母病篤割左股煮羹將熟忽仆地家

人救之得活母病亦間蔡令鍾有匾獎之蔡志

李茂貴屋山下一里人邑庠生篤學力行事親克孝蔬

菜瓜果親未食者不敢先嘗承順友于懽聚一堂天啟

丁卯巡按曹行縣獎匾曰孝悌儒表黃志

曾君意崇禎辛未母病割股療之後三年母歿廬墓山

中夜有叩門者君意曰此山中安得有人其鬼耶啟戶

則寂然又虎咆哮戶外弗入而去終不為撼三年乃歸

壽七十八林志

溫志達衣錦鄉大嶺山人割股肉啖親親病遂愈鄉人

稱其篤孝增補

國朝

鍾燦字內美邑諸生順治戊子寇亂繼母朱氏病篤燦

侍牀簣弗離賊至叱曰胡不去燦泣云母病危不忍耳

賊感釋之弟燔為賊所執姪在襁褓中被擄燦不避艱

險俱遍訪贖歸卒王閣學思軾銘其墓

林志

孝友

廖士章三寮人順治己丑營將勦土寇第士廣被執母

江氏追至營計不欲生士章願破產贖否則以身代俱

不許兵衆仆母子於地掠士廣以去後知士廣卒於江

北有遺孤竭力贖歸為授室友愛至老不衰

孔志

江立貢字彙英營前人順治丙申負父永俸避梅窖賊

於上龍時立貢未得嗣永俸病革恐賊害之命遠逃立

貢跪泣曰父疾兒求代不得忍貪生焉父終茹素三年

晝夜號泣如初喪時

孔志

呂太素字完樸孝子叔哩裔孫幼失父事母孝承顏順

志值雷雨嚴寒必謹相依附母卒朝夕哭踊每奠哀聲

振地蔬食水飲三年族鄰哀其志呈舉前令何詢之以

孝行無間旌其閭

孔志

閔紹九九歲喪父母病醫罔效口嘗糞以卜休咎及母

卒廬墓六載知縣黃之麟黃惟桂先後旌其閭

贛郡方志

呂儀畏字字侯太學生父邑庠晚喪明不離左右起

居親扶掖凡湯藥汗穢之事俱不假他人二十餘年無

倦色後父歿居喪三年足跡不履墜市

孔志

王三台城北人康熙甲寅土寇蜂起三台攜僕往蘇陂

負米供親為賊所獲令導之入城不從遂被殺僕得免

歸述其事邑人稱孝義焉

孔志

孝友

鍾國錦北一里人康熙甲寅寇變負母劉氏避難塘石土圍夜半火發突火而出尋母不見大聲號哭復入烈燄中救之不及同母俱斃時年方十五

孔志

孔志

而終既葬廬墓三年知縣徐大坤上其事乾隆六年

詔坊旌表

孔志

孔志

其門曰孝行流芳廣文裘吉光誌其事於墓

孔志

痛弟餘兆夫婦早世遺孤才伊生甫一月恩愛踰己子  
稍長出就外傅身親與俱才伊幼慧書數遍成誦年十  
二知縣張尚瑗拔冠童子試入郡庠二十七卒復撫才  
伊子尚弼後亦食餼明經兩世一脉皆賴之孔志

鍾孔仁字毓秀大馬埠人父有日疾時以舌舐其翳膜  
經歲復明父歿哀毀幾絕喪祭盡禮又嘗修祖祠恤孤  
獨為族黨所交稱孔志

胡內蘊白石人母病聞醫言弗起割股療之母病尋愈  
知縣白成李旌以匾曰孝思刻苦後母歿結廬墓側日  
織屨易食六年乃歸孔志

王可俊字偉人小春人監生父母有疾去不解帶父死  
哀毀骨立每朔望倚墓哀號痛絕仆地非動行人乾隆  
戊辰母劉氏歿廬墓三年知縣孔興浙給以純行光閭  
匾額乾隆二十二年旌表建坊參孔志

王爾宣澄塘人父早逝事母以孝聞母患對口瘡痛苦  
難治漱口舐其膿血毒解得無恙孔志

廖日明衣錦三寮人親老朝夕奉養備極勞瘁年二十  
失偶宗族強之再娶不聽撫幼子力為諸弟完配鄉間  
稱其篤行孔志

鄭德進父患痢疾醫言不治嘗糞以下生死及父歿啜

人物



粥三年母病瘧法當灸德進先自灸然後治母贛郡方志

陳章許衣錦鄉甘田人年十一失怙事母孝母卒負土

成墳既葬擗踊哭泣時大雨浹手持一蓋宿於墓側

族人憐其貧代為結廬三年之內織屨糊口知縣以至

性肫篤旌之贛郡方志

李世洵字經蘇南隅李塘人少喪父事寡母陳氏備極

孝養母右腹患疽躬親湯藥早夜以舌舐取膿血毒盡

得愈母以壽終葬祭如禮晚年精青烏術為人卜兆遇

山水佳處輒見諸吟咏無非追想音容倦戀松楸之什

族人欽其孝行既歿奉其神主耐享祖祠新增

冷山峯字超凡衣錦鄉小密人親喪廬墓三年哀感行

路服闋應童子試學使蔣公元益置其文棄卷中既而

三見於案頭心異之遂取入郡學以問教諭蘇運昌蘇

以山峯廬墓事告學使大加賞嘆新

劉後稷字作睿城同源坑人乾隆甲辰乙巳父母相繼

逝廬墓終喪署令都俞旌以純孝可風匾額新

黃光祖名嗣耀以字行灘上人父病背疽醫言不治光

祖禱於神跪吮其疽毒盡傅以良藥竟愈壽至八十光

祖亦七十有九終

凌雲端大足鄉人大和子親死廬墓三年知縣徐培教

諭項勲俱獎以匾額

新

謝添忠北隅黃溪人事父篤孝母歿廬墓三年知縣錢  
標獎以匾額督學王公鼎書天性真誠四字旌之

新

文苑

宋

王奇字漢謀號春山潁江鎮人宋初縣未分爲贛人少  
爲縣掾史縣令偶題屏障畫鴈云隻隻銜蘆背曉霜晝  
隨鴛鷺立寒塘奇密續云晚來漁棹驚飛去書破遙天  
字一行令奇之因勸之學後游京師有聲場屋間居李  
文靖公沆客舍文靖薨於位真宗臨奠見屏障問秋興詩

鴈聲不到歌樓上秋色偏欺客路中宿寺夢回荷葉雨

渡江衣冷荻花風問爲誰作左右以奇對因召見占對

稱旨特許殿試既登科有謝詩曰不拜春官爲座主親

逢天子作門生官至殿中侍御史

參蔡志  
志林

謝詔曰王奇一統志江西通志皆載贛縣人歷來郡

志俱同獨丙申志始改入興國夫曰初爲贛縣人後

割地隸興國者自太平興國七年以前言之可也若

奇爲真宗時人則隔一朝矣安得復言改隸乎

張尚瑗曰興國本贛縣所析鍾紹京謝肇皆贛縣人

也其地後析爲興卽興國有之矣潁江王氏族譜奇

為二世祖奇子言為三世八世孫乃及質質之為湖  
 廣興國軍人鳳渚先生辯之核矣而選舉表中仍錄  
 王言是謝志亦雜用王譜未能一一晰也王譜之傳  
 會牽合全不足憑但謂人隔一朝不容改隸亦非確  
 論丙申郡志既以王奇改入興國姑從之可也

王言字有德奇長子天禧己未進士官至知制誥在翰  
 林以清慎名書法秀逸風節為胡安定先生瑗所稱蔡  
 王質字景文北隅人善屬文遊太學與九江王阮齊名  
 著論五十篇言歷代君臣治亂謂之樸論中紹興進士  
 召試館職不就張浚都督江淮辟為屬入為太學正忌

者其譏質年少好異論遂罷去會虞允文宣撫川陝辟  
 質偕行一日令草檄契丹文援毫立就允文起執其手  
 曰景文天下才也入為勅令所刪定官遷樞密院編修  
 允文當國孝宗命擬進諫官以質鯁亮不回且文學推  
 重於時可右正言時中費用事多畏憚質陰阻之出通  
 判荆南改吉州皆不行奉祠居山絕意祿仕通志

謝詔曰舊志鄉賢中興國有王編修質按宋史質先  
 為鄆人徙興國不明言軍與縣也偶閱文獻通考載  
 雪山集三卷富川王質景文撰攷富川係湖廣興國  
 軍舊名於是檢武昌府志而攷之則傳質入興國州

僑寓其注履歷與史同紹興三十年與州人周震來同舉進士而州之政和堂恩波亭銀山寺福星寺大浩院皆有質詩富池口吳將軍甘寧廟有質記始訝質之非贛人也而一統志江西通志俱誤矣既據質論贛盜嚴盜疏中一則曰臣嘗聞之二郡者一則曰臣往在江西見所謂食菜事魔者又曰臣往在江西見其所盜販茶者其非贛產不較然著明乎當其時張孝祥知荆南與質游汪澈以殿中丞宣諭荆襄張浚以樞密都督江淮俱辟質爲屬以質居楚故也廣輿記亦收質入武昌人物查宏治辛亥郡志無質名

嘉靖庚寅志始有之豈因一統志江西通志乃增入之歟夫名賢固有二三處互見者不妨存疑但州縣同名興國縣之不可溷於州猶州之不可溷於縣也州有詩有記足證矣而縣無一可證鑿空以墓實之且指某爲某弟某爲某孫某爲某幾世孫將不令楚人抵掌乎郭青螺先生表章前詰採及鄰封作興國四賢傳意何厚也予也桑梓後生奈何忍蔑先賢而妄有辯駁乎第志以信今傳後訂訛考謨責有屬焉如明知其非是而姑冒以爲名是以拜郭汾陽墓者待里人薄滋甚矣既無所疑不存之可也

孔輿浙曰王編修質其先世自鄆來徙於虔至質而始僑寓武昌求之楚乘稽其家牒隱相符契通志一統志俱以質屬興國縣惟蔡九霞廣輿記兩地互見一載於虔之興國一載於楚之興國桑梓故墟羈人轍迹正不妨兩存之耳郭青螺先生著四賢傳質與焉且服其文章有賈長沙風味竊嘆前賢之用心深且厚其不忍因彼而失此也如此志林必割之為楚人毋亦執成見而盡沒羣書也夫

按通志及乾隆壬寅郡志於科目表仍存王質名故今從孔志所引以質為興國縣人然損持太史本謝郡志而不敢遽增者誠以欲改謝志則必有說求其說而不得故姑踵舊志殆未可厚非也孔志以執成見而盡沒羣書為不可然則鳳渚之論固不可沒矣爰並列之以俟後人之論定

明

鍾磐字希仁衣錦鄉人紹京之裔潛心經史博洽古今泰定間教授成都人才多所成就又教民耕種之利民感其惠立生祠祀之明初當道交薦遣行人趙彥可齎

勅書賜磐禮幣徵赴闕道卒

蔡郡志

鍾廷方紹安曾孫祖斗元為贛儒學正家藏書萬卷客

時從借讀恣所觀閱有手澤尚存者有新若未觸者臨終屬其子以寶藏遺書為孝廷方恪守祖訓嘗攝邑文學尤癖於書家藏未備者不吝捐貲以購先世遺文手輯成帙名一家機軸名公詩詠采而錄之名治世雅音琴譜丹經奕數星術亦旁通而肆考焉學者稱東岩先生

郡志

謝嶽字維高北隅一里人洪武己未為諸生以人才貢入太學泰和陳謨為交送之稱其質醇而稟厚服習經傳通其間奧要其指歸達於體用不滯不浮嶽嘗從謨受學者也仕至刑部主事

林志

羅斗明失其名以字行泰和陳謨稱平川羅斗明先生之詩古文沉蔚勁蕞葩條扶疎掩映敷不羸簡不鬱得柳柳州風骨始嘗有意仕宦既而翻然棄去益大肆力於古朋徒經其指授者皆風氣日上而劉啟東最稱才啟東之文明以縝溫以達束規矩而不輕縱熟復焉而蹈行之古人不難到也啟東亦失其名謨作劉啟東文序原本而亟歎之如此

林志

張尚瑗曰揚子有云明星皓皓引而高之者天也土之能無所憑藉而成其名者鮮矣興國惟先之先生學術行業雖微伊川亦傳所譔章貢集使及今見之

所託以傳者必多而典故不存文武道盡若呂司丞  
乃藉宋文憲以傳者也寓賢之有劉槎翁陳海桑固  
非文憲之比槎翁亦藉傳於文憲海桑則藉傳於虞  
文靖楊文貞予卽從二公之集以求興邑之人才於  
宦蹟得陳文彬於仕籍得謝維高而於文學得羅斗  
明皆立傳以傳之朱克敬鍾廷方則謝鳳清先我傳  
之五人者宜有傳者也其餘則附見於所輯兩公之  
詩若文而更提挈表暴於流寓傳中嗚呼若此類名  
湮沒而不稱可勝慨哉

王明道號惕齋洪武壬戌舉賢良至京師時方選儒士

兼通數學者考閱天下圖籍明道與選尋遇疾歸第本  
道號立齋弱冠負文譽淹貫羣籍洪武乙丑進士仕終  
刑部主事季弟與道號寶善工詩文多所編輯鄉邦有  
三王之目

志林

鍾觀字尚賓北隅人登宣德乙卯鄉薦任羅源臨海二  
縣教諭景泰庚午典試應天遷四川越巂衛學教授入  
爲南京國子監學正時御史嚴核所司俱屈膝爲禮觀  
浩然拂衣家居甚貧有殺人者持百金賂求免於官觀  
曰殺人逃死非法也卻之與廣文袁天騏編輯縣志爲  
書五卷無粉飾回護無胸臆僞譏据實直書古道存焉

萬歷末蔡令鍾有續修時已亡其書故反多闕失取謝方伯詔贛府志對勘知袁鍾所錄樸而碩簡而賅有先民之慕矣

志林

鍾圓字稚方藍田東高多人年十七餽於黟郡守愛其才為行冠禮於堂上嘉靖中貢授江華令致仕從王文成公講求性命之學壽八十九

蔡志

王洞字用晦瑗仲子萬歷己亥拔貢授宣平令在任清簡愛民好士宣人德之歸家以簡編自娛不與戶外茶令鍾有輯縣志以其多識舊事虛心往諮洞亦慨然力任政治釐革人物臧否皆一手裁決鍾有於凡例中稱

為華陽先生極推重之

志林

蕭煥字文甫東隅人幼失怙恃育於大母節婦鍾氏稍長思卒父業丙夜不寐遂以博洽聞當道皆器之萬歷乙巳由貢上公車有勸以就業辟雍當得司民社以抒夙抱者煥意不屑也竟授教而歸杜門課子四方從遊之士踵相接稱為企黃先生

蔡志

王貴卿字宸寰順義上人萬歷癸丑歲貢天啟甲子任泰寧教諭端方持已勤敏課士兩臺有文行兼優之薦性恬淡無意仕宦秩滿辭歸居家不慢卑幼時周鄉黨窮乏杜門庭訓寒暑不輟子鼎相以文章著孫思軾以



名臣顯縣黃志

國朝

劉天貢字賦九順治庚子歲貢天真從弟與天真同年

生才名亦相伯仲天真鍵戶研求儒先理要而天貢詞

藻風發後進多從之游黃令惟桂輯縣志文筆實出其

手子元燦亦歲貢仕德化訓導縣郡志

謝芳字蕙草北隅鳳岡人康熙庚辰歲貢矜意氣重然

諾能周人之急著有江上吟述山堂詩集志

廖應梅字雪姿衣錦鄉三寮人康熙五十六年由歲貢

授崇仁教諭課實崇儉令敬服之不干以私與士接肅

氣正容竟日無浮論師範足式歿於官祀崇仁名宦志

鍾夢麟字天瑞衣錦鄉杉溪人幼穎異能文章性至孝

父母死每忌辰必哭奠鄰人為之感泣友人在急難中

賣田百畝救之不自以為德以經學世其家子肖傲兒

弟皆有才名張太史撰志林作堦石辨著有便則集二

卷孔志

鍾才焯字少周榔木人貫穿經史嘗讀書花橋村忽夜

半心痛疾趨歸果母病在牀人以為孝感所致居常以

經義授族後進二子承家學食餼有聲邑大夫重其品

薦為賓孔志

劉應彩字雨三邑廩生性謙冲雅善詩古文詞張太史撰志林嘗委任之王宗伯思軾歸田里延訓諸孫嘗曰與劉生議論得聞所樂聞年七十將歲薦卒著有蘭圃

集四卷黎郡志孔志

徐廷輝字映孫號奎齋西隅人由邑廩雍正癸卯拔貢潛心義理之學教授生徒多知名士初就直隸州判改就教諭職入監列上舍以母老告養歸邑令金履寬延禮激江書院山長獎誘後進脫穎者甚盛乙卯舉鴻博以終制未赴任臨江府峽江縣教諭黎郡志孔志

鍾飛鵬字圖南號健堂桐木人雍正癸丑進士天資高邁書過目不再胸次灑落家極貧無窘色初以選貢入成均祭酒孫公嘉淦奇其文嘆為天才考選教習壬子中順天鄉試受知於帥公念祖遂聯捷成進士帥公督學浙省聘主幕事尋抱疴歸卒未竟其用士論惜之孔志

鍾丕顯字次濂桐木人乾隆丙辰恩貢守陽明良知之學靜默孤高謝絕紛華為文以簡潔勝徐令大坤延主書院講席著有敬齋錄一卷子人文拔貢官永寧知

縣孔志

蕭亮字刊亭東隅人邑廩生少負文名學使李公鍾儁

試贛郡賞其七律之工取冠十二邑遠近爭相傳誦邑  
進士鍾飛鵬會昌舉人文時皆一時名下士也與亮交  
善嘗欲哀集其詩文以行世增新

鍾秀源字受滋遠綏子雍正乙卯拔貢乾隆戊午副貢  
嘗主澱江書院講席說書課文必按程限知縣孔興浙  
稱其品純養遂足為士林矜式復聘請纂修邑乘據蔡  
志原本採摭最詳增新

鍾仁字樂工東二里人乾隆戊辰歲貢授安義訓導  
安貧守道布袍之官秩滿歸猶衣之以見故舊未嘗更  
製新者為文風發泉湧橫厲無前雙江間成進士者皆

自遜以為不如鄉試屢獲薦嘗一擬元卒不售增新

劉登峻字極添大足鄉泗望人乾隆乙酉舉人潛心經  
史偶有所得必手自劄記穿穴貫串積久成帙家貧步  
行應公車一子擔負以從見塗間餓殍捐橐中金瘞之  
遂畢復行行輒默誦經史或作小詩自遣人不知其為  
孝廉也會試報罷歸授徒自給啟迪不倦多所成就增新

徐學儀字懷汾廷光孫乾隆辛亥歲貢刻苦學文以經  
義教授鄉里弟子從遊甚眾前令兩請主講書院嘗欲  
鼓舞同人俾切觀光之志倡設鵬舉戶親往勸捐應者  
踵至乃酌立章程定為鄉會試舟車費各若干學者至

今賴之選清江縣學訓導未赴任卒新

武略

唐

謝肇字景初衣錦鄉人幼嫻武藝僖宗朝從父帥義兵  
征蠻功第一乾符中授本州刺史廣明元年改韶州會  
寇起汀建勢焰逼虔復授工部尚書充百勝軍防禦使  
討平之已而閩粵容管隸卒叛改容管經略處置等使  
督兵進勦止誅元惡逆黨解散進金紫光祿大夫檢校  
戶部尚書爵會稽子以勲名始終衣錦鄉之得名以此  
並祀梧州名宦本邑鄉賢蔡郡志

元

呂志熊南隅一里人少受經為文曉天文術數之學世  
亂習兵法元至元間左丞管如德討鍾明亮於寧都志  
熊募壯士為前鋒次吳口渡進屯觀潮凡十餘戰斬級  
甚多授行院都事片的迭失趨贛奏為贛州路總管府  
判官屯田龍南又從左丞董士選討贛盜劉六十有功  
累擢同知總管兼管奧魯內勸農事大德丁酉至己亥  
旱澇頻仍繼以疫癘志熊賑卹拊循境賴以安致仕卒

志林

按志林呂志熊傳係蔡吳澄墓誌銘及蔡志合譔孔

志據蔡志原文謂志熊方襁褓時忽自言曰家人集  
事吾當總管父大駭再試之語益奇此等紀載入之  
家傳未爲失體志乘人物應仿史法不加刪削則涉  
怪誕矣又云至正壬午以薦授江西行省檢校考至  
正壬午係順帝再改元之二年其時吳文正公歿已  
二十六年安能復起爲志熊作墓誌銘耶一篇之中  
自相矛盾而孔志曾不之覺今改從志林

江秀敏元至正申縣舉爲百戶長大嶺山賊曾石賴觀  
溫九等挾邪術倡亂行省叅政普庵撒里檄秀敏募鄉  
里壯士禦之秀敏輒率家丁九百餘人一夜馳往出賊

不意擒三首孽斬級二十一生擒四十餘人餘衆悉竄

散積功陞武德將軍

志林

明

李如爵宋評事子高裔孫成化間閩寇起殘破湖嶺間  
命州縣皆設機兵以備寇如爵以勇剽縣舉爲機總歲  
丁未賊鍾世賢王九龍攻信豐郡守李璉調興國機兵  
往禦謀置帥邑令胡傑曰如爵才略可獨任也遂遣之  
至則一戰馘其渠受金幣之賞已而復寇會昌郡發兵  
以如爵統之固守踰年不遑寢食寇退乃歸繪出征圖

紀其事

志林

興國縣志

卷二十四

人物

七

呂律東隅人有智能宏治間署印記凡三十年後從王  
新建守仁征橫水及宸濠有功受賞又有蕭承者東中  
下文溪人有勇略亦從征宸濠有功蔡志

國朝

呂應選字萃英志熊裔孫秉性剛果有大略慷慨仗義  
康熙甲寅崖逆蜂起應選招募義勇建砲臺保城有功  
授贛州前營把總會吉安寇變從征屢捷總鎮哲爾肯  
薦陞柳州都司抵任一載以年老力辭歸孔志

藍子明明末自郴連崗避亂與雷羅二姓攜族僑居興  
國邑人呼為山野子者也子明貌壯偉趨勇多力樂赴

公義甲寅韓大任據吉安興邑村鄙多被鈔劫子明獨  
奮先禦賊以少擊衆輒勝於是白石密石竹管峒楓邊  
箬坑皆連結保聚推子明為長嘗擊賊於迴龍嶂其子  
死焉同伍以告子明不應戰愈力賊退縣令黃惟桂聞  
而嘉之後寇警登城北望歎曰寶城鄉有藍山民在隱  
若一敵國矣林志

按子明志林載行義傳中今從郡志改附於此

興國縣志卷之二十五 人物  
東閩人有智能安治閩者即記凡三十年後  
守仁在橫水足宸濠有功受賞以請肅水者  
下文及人有功略亦從征宸濠有功

姓于則志林輝并兼齊中今并據志文州敘此

書一嫡園笑林志

而嘉文翁淑警登姓非望漢曰齊姓派首蓋山見其  
汲淵同而以其于用不顯輝愈代娘駭縲合黃卦林間  
善此皆數諒新築姓于則愈是嘗攀規敘歐請朝其于  
奮次樂頰以少繼與輝烈敘是白百密百於管師賦  
公美甲寅韓大卦林吉吏與呂林備交姪逢姓于則

興國縣志卷之二十五

人物三

處士

宋

鍾棐字子翼清德鄉人博學篤行為歐陽永叔尹師魯  
余安道曾子固所知儂智高叛嶺南聲搖江右虔守曹  
觀欲籍民財備戰守謀於棐棐曰智高必不能過嶺無  
事而籍民民懼且走矣觀曰如緩急何棐曰同舟遇風  
胡越可使為左右手况吾民乎不幸而有急則官與民  
為一家夫孰非吾財者何以籍為觀悟而止棐嘗與蘇

明允遊後蘇子瞻自海南還訪棐已歿作哀詞誄之蔡志

李存渾之子宋元豐己未進士不樂仕進與郡人陽孝

本隱於通天巖號崆峒二老有詩集四卷贛州府志

李琪字元瑞朴從子博雅蚤有時譽孫毅夫以女妻之

崇寧中計偕京師阻疾而歸遂不仕後徵辟不起賜號

養素處士子謙登進士贛州府志

王瑜號北邱北隅二里人穎異濶達絕意仕進天性孝

友喪祭皆準於禮訓子以義曰聖人不能違時爾盡忠

國家雖言不用吾亦可以無憾其見大義如此卒年八

十二廬陵周益公銘其墓云草野逸民而心在王室始

非尋常山林中人者也蔡志

呂頴字文祥寅長子南隅一里人以歲貢入太學靖康

初與陳東歐陽徹陳廷臣等上書言蔡京童貫王黼李

彥朱勛梁師成六賊當誅獲譴放歸田里朝論重其氣

節後屢徵不起邵知柔贈以詩蔡志

張尚瑗曰陳東伏闕上書請誅蔡京等六賊所率太

學諸生有興國呂頴焉緝呂氏家牒者從而增飾之

以東所上書稿歸之於頴云與同列上書編管道州

高宗時特召不起有紹興年徵辟詔書縣志仍之夫

宣和內禪六賊旋敗一梁師成留禁中終以東言謫



死東除太學錄豈從其後者反得罪編管乎伏闕上書之人皆太學生也宋史一曰率其徒再曰率諸生而邑志稱同列其辭不根且東與歐陽徹以靖康應詔陳言而得名以建炎發憤上書而蒙戮蓋黼勳當貫盈之時而潛彥擅方張之燄少陽德明酷禪正在高宗改元而文祥反以此時遇赦得歸何顛倒之甚耶然則呂禎亦僞名乎曰其同事則有之矣禎之裔孫復嘗友宋景濂而為明高帝采史者必不矯誣其先世又有邵知柔贈禎詩非緝譜之人所能僞撰然譜之粉飾支離皆緣是詩而起曰十分頭白道州回

此編管道州所自來也曰先生無用鶴書催此手詔特徵所自來也不知詩之言道州者乃引陽亢宗相譬而鶴書敦催猶云提鼻不免耳傖父解書遂樵為實事詣超宗索鳳毛不堪一噓矣

按孔志此條自注本蔡志今以蔡志校之獲譴下有編管道州建炎改元八字孔志殆因損持太史之辯而去之耳然太史贛州府志於呂禎傳前後事蹟多從刪而獨留編管道州句殊為難曉茲仍孔志原文並錄張太史訂譌之說如右

明

鍾頰字復翁紹京裔孫幼習經書補諸生有志於道德性命之學榮進羔雉非其所好築舍為義學以訓子弟唐令子儀為之記蔡志

鍾士珍諱盈以字行子彥會孫子彥博學長才不求聞達卜築別業自號方塘清隱唐令子儀為之記珍性孝友亦決意高尚以方塘繼隱為號教子義方不營世利

賓席推重凡四次蔡志

蕭貫釗別號雲峯屢舉子業怡情山水嘗與謝鳳岡交相唱和性克孝事母備敬養屢膺賓飲年八十餘終蔡志胡廷聘南隅人性樸茂有懷葛之風泰和尹宮保直讚

之二云匿耀還淳屏浮黜偽蓋真高蹈之士也蔡志

李雁南隅人性嗜學弱齡補弟子員事繼母以孝聞晚

年斂跡林園杜門不出年八十二卒蔡志

歐陽天赦性孝友敦行誼鄉評重之邑令馮常敦請賓

席以韋布終蔡志

鍾度字于寬衣錦鄉人濶達宏偉日記數千言早歲食餼比貢授南安司訓語人曰丈夫不能酬壯志安用是跼踖為遂不仕篤行孝友撫季父遺孤無間已子鄉里

爭敬禮之蔡志

歐陽惠字惟馨西隅人幼刻勵讀書幾於目眇為邑諸

生足不履公庭徜徉林泉不為名祿所動蔡志

王沛字九德性謙抑自持少精舉子業屢躋棘闈不以

為意海令瑞甚器重之以聞學使者獎其行泉石自怡

人稱隱德蔡志

呂雲字從龍邑諸生博學嫻古文詞嘉靖間嘗就吳督

府百朋聘指畫方略平嗣寇三巢為當事所忌脫然泉

石訓迪後進年八十九終蔡志

李元顯字貴卿南隅人邑諸生芥視功名徜徉自適其

志仲兄宦遊閩中欲迎母就養元顯愀然曰奈何以升

斗使皤白榆景間關千里耶奉母甘臙不貽兄憂蔡志

呂鳴鍾字和卿東隅人自幼穎異年十五食餼學使者

四次拔冠諸生性耽恬退潛心義理閤居無情容絕口

不言人過有太古之風蔡志

鍾道謙東隅人紹京裔孫幼失怙恃鞠於伯母及長事

伯母如其母恩厚渾樸不求聞達所立家規皆可垂後

人稱隱者蔡志

鍾韶典道謙從子器識淵宏為當時名輩所許與兄韶

鏗博覽羣書屢膺賓筵其弟韶鑑韶錦韶銘俱重鄉評

有司嘉其行誼稱為盛世逸民蔡志

劉昂字仲濃西隅山下人諸生常從司訓方孔善學易

深晰易理事繼母能孝養恬淡無華隱居獨行其志急

人困厄間里高之蔡志

鍾宣怵圓子與兄宣性俱以學行著宣怵少食廩餼屢

拔前茅志意豁達不事棘闥放蕩山水之間蔡志

李愷子高裔孫為人重義樂與賢豪長者相結西昌大

司馬郭公微時嘗與遊深見雅重易令道源舉為介賓

蔡志

李曰銑拊子家貧力學善詩文築貴竹園教子課孫絕

不聞戶外事著有顧源野錄蔡志

歐陽紳字鵬翔王士縉字令公邑諸生崇禎末皆試高

等有名國變遂不出縣以所應得餼給之辭弗受以初

服終林志

國朝

廖安民字覺先崇禎癸未拔貢生

國朝兵定嶺表遺衆猶盤踞九龍砦在興寧永豐三邑

大兵環之久不下安民素識其渠帥往諭之衆喜相告

曰季路要我矣萬衆一時解散郎太守永清雅重安民

名謂之曰以生之才乘此時富貴可得安民再拜曰楊

清江守贛時辟某軍府以大廈非一木所支未敢輕赴

當九龍就招虔撫亦議題敘所以辭之至再者恐負楊

相君之知也

林志

按志林載前此副將鮑虎馮起元將兵下興國多擄掠良民拷餉安民控其事於贛撫宜永貴撤之歸銜之比降九龍若有功則益忿會雩都隘兵疫死遂以通粵孽坑官兵誣安民暨其子應組并繫赴兵巡道率而鞠之應組兩踵俱折時郎郡伯永清知其枉言於贛撫乃移府獄覆訊諸弁輩厚幣請於太守却不受直判曰殺人至三十八命而父母妻子無一訟冤者廖某何術使怨家若是遂得釋

鍾子寶字國用北隅城內人讀書慕古懷才不試幼時

母死寇難及長遍求遺骸不可得哀慕終身

增補

呂岳翔自號還真復裔孫性恬靜無意聞達敦尚孝友教子孫讀書以身體力行爲務至老杜門謝客鄉邑咸稱有古隱君子風嘗有詩云萬里雲霄意百年畎畝身那知漢陰丈亦是武陵人

孔志

鍾谷蘭字芳伯精通子史絕意功名少遊燕洛間所過題詠當事貴人咸物色傾服之爲人孤介絕俗長寧吳松若素稱博洽與之抗論古今事理滔滔不竭嘆曰此吾畏友也郡守魯公聞其名欲見之不往著有寒塘詩

集二卷

孔志

興國縣志

卷二十五

人物

七

謝不敏字其萃北隅人工文辭淡名利徜徉山水輒有  
留題多購名家法帖摹得其真年踰八十燈下作小楷  
猶遒勁自號荷塘老人

孔志

鍾遠綏字文菴北二里人力學工文淡於進取醇謹忠  
厚鄉邑稱爲長者膺賓筵子秀源以文名

孔志

鍾昌盛字溪竿東隅人性喜澄靜重然諾功攻帖括未  
幾棄去肆力詩古文詞晚年益耽書史與二三知己往  
來幽巖邃谷間賦詩適志怡然自得著有草園吟一卷  
自號草園居士

孔志

呂世璜字師尚東隅人乾隆壬申恩貢操履端方言

動不苟自律律人一準於禮每宴會有不以行輩年齒  
爲座次者雖異席必命更正少年挑達見世璜皆深自  
斂抑聞世璜語無不肅然拱聽嘗捐貲鑄鐘送學宮銘  
之曰扣此鯨音鏗鉤春容宣揚聖教以覺羣蒙學者多  
傳誦其語

新  
增

鍾春弁名尚榆以字行忠孝新竹壩人頽十五世孫讀  
書不求聞達家本素封終身未嘗曳羅綺觀戲劇所交  
遊皆長者有司屢請賓延辭不就惟厚禮幣延師儒日  
課子孫讀書卒年七十有六子世芳世蓉別有傳世葵  
例貢生以義行見稱鄉

新  
增

蕭雲隨字西瑞得宗六世孫閉戶讀書不問家人生業  
少補諸生第一為督學林公枝春所深期許及食餼年  
近六旬不以介意手一編終日端坐如對古人見後進  
必取先儒格言及已閱歷有得語告之有延之課徒者  
輒不就曰吾學未成不敢為人師也論士品者稱其生  
平不接俗人不親俗事為邑中高雅第一云新  
謝功字履仁北隅鳳岡人諸生以文酒自娛不干與外  
事家貧授徒善誘掖後進學者樂親就之子鶴翎進士  
官戶部主事新

善行

拔善行列於人物志非卓卓可稱為鄉黨所推重及  
有碑銘傳贊行狀可据不為立傳其祇有一端可紀  
者如建設橋渡則於津梁志見之減價平糶則於田  
賦志社會條下見之修理道路及獨力捐造茶亭者  
亦附見橋渡之後誠以一事而頻書疊見則失之複  
小善而鋪張揚厲則近於誇辭尚體要義貴謹嚴非  
示刻也然蔡志孔志之義民贛郡方志之行誼間有  
僅錄取一事者善善從長姑仍其舊文而不改

元

王韶字九成至正壬辰納粟五百石募丁壯三百名助

順府敘功授本縣副尉後陞正尉林志

明

王子字字仁居鰲源人正統五年出穀二千二百石助

賑賜勅獎諭勞以羊酒旌為義民林志

鍾景迪高多人正統五年出穀二千二百石助賑蔡志

王叔瓚字資重子字姪景泰三年出穀一千一百石助

賑賜勅授冠帶蔡志

王叔鑑子字子鍾雅正景迪姪陳琢賓南隅人景泰三

年各出穀一千六百石助賑授冠帶蔡志

王明用字行之北隅二里人景泰三年獻居地以造義

倉奉例旌為義民倉址即今養濟院蔡志

李存輔字敬存屋山上中人正統五年出穀一千五百

石景泰三年復出穀一千五百五十石助賑勒石宣德

丙午建儒學明倫堂正統丙辰修渡江上過橋共二座

旌為義民蔡志

李彥山八方大用王明厚藍田西上人李彥文

槎嶺人天順元年各出穀一千六百石授冠帶蔡志

廖景華字華相衣錦鄉人成化十五年奉例出穀一千

石銀一百兩賑饑賜七品冠帶授宣義郎贛郡方志

廖益源字清泉益温字煦菴益訓字翰屏衣錦鄉人成



化二十一年奉例各出穀一千石銀一百兩賑饑均授

宣義郎贛郡方志

鍾信字守常邑庠生竹壩人成化二十二年奉例出穀

一千石賜七品冠帶授宣義郎宏治戊申統民兵守備

會昌增補

鍾瓚字玉文邑諸生書過目成誦成化二十二年應詔

輸粟賑饑授七品散官官率義兵禦寇會昌有功屢受

當道獎賞蔡志

方秀規西隅人重厚周慎居家循禮喜施藥屢求不厭

成化間知縣達泰章廷圭咸獎異焉蔡志

江秦川弟泰川營前人宏治間都御史金澤建義倉備

荒秦川兄弟輸穀三千石鏹五百金疏聞授宣德郎蔡志

鍾世清龍砂人嘉靖間奉詔輸賑給以冠帶又捐貲修

學宮助建朱華塔造馬岡舖廖屋溪二橋屢獎尚義舉

賓飲蔡志

劉宏西隅山下人恂悞循謹捐貲修學賑貧掩骼嘉靖

間邑令海公李公徵為賓介年九十三蔡志

呂紹正字心古南隅一里人好善樂施行已端莊嘉靖

十三年知縣蒞觀詳給鄉閭表正區賓飲九次卒年九

十三蔡志

呂邦仁字湛湖南隅二里人由諸生入太學授南城兵馬孝友尚義先產悉讓其弟捐貲修文廟櫺星門建宗祠設義塾置田糧五石收埋枯骨萬歷戊子出金百兩賑饑當道義之中丞李公養愚銘其藪蔡志鍾味泉北隅人慷慨尚義萬歷間路拾南昌洪客金覓得其人還之洪感其德欲分金以與味泉曰本爾物還爾分也卒不受孔志

王子賢北隅一里人篤實敦謹施濟無吝萬歷四十四年奉例優獎邑令屢給匾旌之年八十五蔡志

呂乾機東隅人馴謹持身義方訓子治家儉約樂於施

濟知縣何應彪舉介質萬歷間知縣蔡鍾有匾獎曰耆

德蔡志

李浩亮志林作子高裔孫幼有才不樂仕進奉例出穀

賑饑授七品散官嵩寇之亂奉上選舉領鄉兵征守會

昌有功不受賞歸老自娛蔡志

王均治北隅二里人事親順志尤友愛二弟銳意玉成

至居官猶為理其家政使一意官箴不憂內顧有司推

重舉賓飲蔡志

胡克訓南隅人素樸好禮產頗裕除口給外悉散給貧乏或勸蓄產曰買良田多費錢種福田可消愆人多傳

其國系志  
卷二十五  
人物  
誦舉賓飲蔡志

蕭彥卓文溪人事母孝撫幼弟讓居均產五世同爨邑

令賓禮之蔡志

李正素西隅人施穀賑貧全活甚多又助修明倫堂廬

令舉大賓蔡志

江石泉字元音營前人家甚饒為人慷慨樂義好施與

凡邑鄉寺廟橋梁及崎嶇道路皆不惜捐貲修造孔志

歐陽光任素行善初為邑掾以公事至吉州塗拾遺金

一囊守以待亡者詢得實完而歸之不受其謝後棄掾

隱處三舉賓筵不就以壽終廬陵曾士亮為之銘蔡志

胡鈞南隅人與人解忿釋爭急公向義弗憚其勞年七

十餘終蔡志

王一宦字魁寰南隅人修城有功邑寇亂後田多汙萊

一宦捐穀千石牛百餘隻招集開墾貧而無資藉其力

以婚嫁者數十家又代人輸賦不責其償鄉里重之贛郡志

張志

胡金朗西隅人隆慶庚午建儒學頭門第金壁建學前

石坊鍾騰喜北隅人建正衣亭一座知縣盧晉申詳院

道並給冠帶義民旌璜程嘉義匾蔡志

國朝

謝應梅字魁也質直好施康熙己未師克崖石捐金贖  
泰和二難婦歸其夫同里有負債將鬻女以償者應梅  
知之力阻焚其券邑人義之林志

黃大亨邑諸生重然諾遇公義喜為眾倡官兵勸崖賊  
餉費不貲大亨素善宣義將軍幕友說尚之義假道雩

陽賊平邑不知兵林志

鍾肇翊字文運康熙八年內兄王某逋賦將鬻子為僧

肇翊代輸撫其子為之擇傅受室後生二子歸宗贛郡方志

曾秀榮山寮人當順治戊子康熙甲寅兩遭兵寇遺骸  
遍野秀榮與弟秀祿拾骸骨十餘具瘞於黃土堞囑子

孫世世修理毋令樵牧戕害及為狐兔所窟宅增補

曾聯第字友蘇山寮人康熙甲寅寧都信豐友人為

賊所擄者破產贖出之增補

曾念鈞山寮人當崖寇蹂躪衣錦時與其族人耐衢敬

衢用吳在龍高傑薦玉翼文團結義勇保障鄉里康熙

丁巳賊環攻半月互有殺傷薦玉翼文冒死突圍求官

兵救援官兵發賊乃散鄉人德之增補

劉大復字鼎卿大足鄉人從守備李應龍征韓大任黨

於邑西鄙賊平有被脅難民數人應龍欲照從賊律駢

誅之大復力救得釋知縣黃惟桂表其閭增補

梅毓真字廷煌頗涉學樂善好施黃令惟桂濬春口壩成擇邑中高年有德者先渡以落之得五人名曰五老浮河毓真爲之首歲己巳

詔賜高年粟帛亦居首焉壽九十三終志休

劉廷相字五瑞康熙丁巳序貢丁亥選安義訓導年八

十九矣遂固辭嘗傾家數百金構縣南德星橋民不病

涉每遇災荒賑貸貧乏好行其德壽九十一卒張志

王希淑年六十喪其壯子乃罄竭貲產施惠鄉閭冬而

續暑而疇荒則粥疫則藥歿死則樁人以空乏告者施

予無恹色壽過八十乃卒志休

蕭志學字幼而武塘人監生好施與嘗捐置田畝贍武

溪橋船行之數十年人甚德之乾隆壬戌邑大水溺死

者數百子明經承熹監生承默買棺募人以瘞米昂減

價平糶皆仰承其志巡道朱公至輿踏荒嘉其行以匾

獎之孔志

劉坤瑞字遜文年饑常減價平糶捐千金修興永兩邑

往來崎嶇之路三十里環砌以石五年工乃竣險阻悉

平舉賓飲孔志

劉興瑚字允彝文溪人嘗於本境捐造二石橋倡修白

沙石橋費三百金施茶於獅子坳二亭數十年不倦修

族中廢墓二百餘處雍正甲寅村鄰失火發穀賙之值  
寒無衣者則施以棉絮乾隆壬戌大水家被災猶捐棺  
掩埋流屍及賑恤餘人知縣梁上其事給八品冠服年  
八十餘終郡志

劉元首長逕口人康熙六十年議修學宮元首倡捐杉  
山價值四百兩備公用沈令維烈給匾獎之孔志

謝大昂字少文鳳岡人監生飲賓樂善喜施捐修橋渡  
以濟行人孔志

歐陽臻拔字儲英南隅一里人爲人渾厚樂施與橋路  
傾壞輒解囊修理遇親族急乏不惜多金以助伯父無

子事之如父殯葬盡禮鄉里咸推重之孔志

鍾高接字美周監生北二里人敦本好義遇戚友困乏  
解囊助之乾隆壬戌水災募工掩埋流屍癸亥歲饑出  
穀數百石碾米平糶斬令樹藻獎以國士尚義之匾孔志

王賓國澄塘人好施與壬戌大水附近被災者悉賴周  
濟癸亥饑減價出糶穀盡倡衆平糶知縣斬樹藻獎以  
匾曰仁里義民孔志

郭良輔字汝弼全第良佐字國柱監生北隅學前人乾  
隆戊午新建學宮捐名宦祠地基羅國佩國球哲士捐  
學宮禮門地基蔡選選助修文溪橋謝孔鶴鳳岡人好

善樂施蕭巽說文溪庠生捐修橋渡劉子闕李瑞華桐

溪人俱見孔志

王廷俊字右千庠生飲賓北隅二里人乾隆壬戌戊辰

歲饑捐穀百石助賑壬申出穀一百五十石錢八十千

貸鄰里不取其息贛郡方志

康國泰字世久例貢程渡人乾隆二十一年捐造文溪

石橋費銀四千六百兩贛郡方志

楊珮晶字瑄廷例貢方山里嚴溪人乾隆三十年出穀

二百餘石減價平糶又伯祖母以寡婦孤兒相繼歿珮

晶為撫其遺孫贛郡方志

李春楸監生乾隆三十年捐造青華山石添福橋費千

金四十一年又捐造丁公坡添壽橋費七百餘金邑令

鄧以德著津梁贛郡方志贈之

邱金榮監生乾隆三十五年造崇賢礫興吉橋費七百

餘金四十一年造石澣頭永興橋費二千餘金四十二

年造石澣頭小溪橋費二百餘金知縣吳鄧皆獎之贛郡志

鍾元亮字希陶諸生舉飲賓嘗捐修祖祠二所乾隆壬

戌邑被水捐穀數百石賑濟壬申乙酉歲歉俱減價平

糶贛郡方志

鍾遴字儒士邑庠生贈文林郎高多人雍正七年歲饑賑穀千石乾隆三年捐貲助修學宮七年季夏山水暴漲民多湮沒施棺殮殮復捐施義塚以葬旅櫬之無所歸者戚友借貸力不能償每焚其券新

劉正傳字子星龍坪人監生飲賓年二十七喪偶不再娶遇利濟事必捐貲爲衆人倡見人過失務爲掩覆嘗有僱工人私匿多金誑稱被竊正傳知之但勉令娶婦置田毋浪費而已其不肯顯斥人過類如此新

江耀歡名思溫以字行衣錦鄉堰水人飲賓艱苦成家自奉儉約而施予不吝親友借貸力不能償私以券還

之不使子孫及他人與知耀歡死往往有持楮錠哭墓下者雩都宋昌圖爲作墓誌謂欺與誣他人所甚不堪者耀歡怡然受之絕不與校其言行動合自然綽有古人之遺意云新

楊德孚字普震儒林鄉周地人監生家素封與弟際隆象乾同以恤貧濟困爲任周地與贛接壤乾隆壬申乙酉庚子歲歉嘗減半價平糶不分畛域前後糶穀數千石皆由際隆經理郡守縣令及兩邑紳士咸嘉美之贈以聯匾新

郭震唯字貫一北隅學前人從九品職敦內行好施濟



因繼母病目檢醫書知目翳重者非藥力可除遂晨夕以舌舐之閱兩年母目復明更究心方書時時以藥餌濟人受其惠者深德之子邦安能承父志修祠墓贍祭田邑有義舉為衆倡不辭勞劇新

鍾世芳字桂標春卉子飲賓贈儒林郎乾隆三十八年倡修學宮乙酉庚子丁未歲饑皆減價平糶建橋渡修道路義行載壬寅府志嘉慶十九年邑人議建考棚世芳諸子及孫以未授分之貲建造頭門及參亭蓋奉世

芳遺命云增

鍾世蓉字華亭世芳弟例貢生性喜施予樂善不倦世

芳過饑年減價平糶世蓉同兄弟子姪咸出穀為助臨歿指未授分之產命諸子歲儲所入以應邑中公事嘉慶十八年建考棚道光四年修縣志諸子皆以世蓉遺

命捐貲樂助邑人稱為義方之訓新

劉啟湛字澹安大復孫太學生篤於內行課子孫務本業好周人急乾隆庚子歲饑傾家中所有之穀減價平糶不足則告糶於鄰邑之良口汎舟以助其生平所為利濟事多類此晚年親見諸子遊黌序貢成均仲子凝司鐸有聲孫世援會孫逢昌先後膺鄉舉人謂啟湛積學未報之科名見償於其後蓋非無自云增

王可講字任詳小春人辛苦成家撫孤姪不異己子析  
已產之半以予之人咸謂不可及建木村木橋五座修  
族中古墓數十塚小春村後爲咸潭里坳合龍等處至  
縣城之路中隔崇山險峻艱於上下可講躬操畚揭平  
治之閱數年始成通衢至今口碑載道增  
鍾廣京字其大世芳仲子貢生例授州同職所居竹壩  
村平疇千頃遇亢旱居民屛水灌田日夜不絕廣京惻  
然念舊有陂澤自前明開濬廢且久捐三千金倡里人  
疏爲渠長十餘里灌田租二萬石有奇邑人議重新學  
宮及改建 崇聖祠等處皆獨任之又採形家言建凌

雲塔於學之巽位以興起文運嘉慶十二年知縣謝袞  
詳請咨 部纂入會典十六年知縣俞之鈺以廣京前  
後捐貲急公數逾萬金請

旌表奉

旨給銀建樂善好施坊廣京生平處宗族有恩遇饑年  
於減價平糶外必另碾穀按丁口分給族人里有少婦  
無子守節資其衣食終身更爲立繼娶媳其餘濟困扶  
危之事甚多旣歿邑人高其義謂學之左右越國公祠  
廣京其苗裔也遂附祀焉新

鍾廣高字信孚廣京弟監生性喜施予邑有白沙橋爲

吉郡通衢高數丈長倍之溪流湍急屢築屢毀廣高前  
後捐三千餘金卒築成之歲饑減價平糶遇戚友婚喪  
必稱情佐助尤敬禮師儒見親族中有質美可學貧不  
能從師者輒代出館穀助其成立新

鍾光選字明道監生性慈惠尤篤於宗誼先世自城北  
遷居龍坪光選不忍區別族從遺命諸子設家廟立義  
倉以收合之生平所捐造橋梁歲時修補久而弗懈遇  
鄉人構爭必力為排釋不令涉訟里族咸推重之新

鍾光選字司鐸光選弟例貢生居家孝友待戚族有恩  
嘗與光選諸子共捐二千餘金建祖祠又各捐穀百石

得完聚邑有溺女俗申明族規所全活甚多年八十豫

知逝期無病而卒新

蕭錦標字粹中雲隨仲子監生言行不苟有父風年廿  
八喪偶撫一子一女不再娶汪大宗伯廷珍督學江右

時以高義篤行旌之卒年七十有七新

蕭聲標字志堅錦標弟監生幼聰敏讀書輒有會心家  
貧不能卒業服賈以養父母有同賈贏五十金在聲標  
所每勾稽不及此項聲標知其遺忘出已簿追償之人  
稱長者嘉慶庚申邑大水浮屍順流而下聲標鳩貲掩

埋偕其友郭邦賢冒暑乘舟沿河收取得免暴露者甚多平居與人無爭善排釋紛難於家庭骨肉間尤多所曲全卒年七十有二臨川紀大奎表其墓子朗峯翰林

院庶吉士新

歐陽瑚字國榮西隅人家貧推擇為吏有長者風繼而棄去學營運攜幼弟同爨友愛備至置產不及二頃聞南門外石橋圯輒賣其半以助修橋費或謂公非寬裕此舉似可已瑚曰不然買田為子孫計吾賣田亦為子孫計耳然瑚自賣田後家日益起賑貧恤困遇荒年必減價平糶晚年以子標官太倉衛千總身膺封典人

以為植德之報新

蕭韻和字揮五監生東隅人質直尚義為士林所信服邑中公事多推韻和綜理無巨細必盡心曰我既任之不敢辭勞勤也知縣伍彭年訓導傅顯功均為文以獎

其行新

魏翼廷字旭貴江背洞人監生嘗於來源逕構活水園為本村義塾置田租四十石以贍脩脯貧苦親鄰當饑歲賙恤不吝新

黃上軒字軒舉封登仕郎寶城鄉小溪人造橋渡平治道路逢饑年減價平糶諸子承遺命捐貲重修邑志

又勸建府學西廡獨建府學魁星閣邑人重之義聞益

昭新增

劉高魁字德奎龍坪人大禾場荷樹陂造二茶亭捐租

贍之又西門外捐造二橋

見贛郡方志誤作信豐監生

興國縣志卷之二十六

寓賢

宋

程顥字伯淳頤字正叔河南人慶歷四年甲申父大中

大夫珦來知縣事皆隨任越二年丙戌珦由興國攝倅

南安識周濂溪先生敦頤於司理叅軍因與為友以二

子師之濂溪每令尋孔顏樂處所樂何事宋史傳稱顥

自十五六時與弟頤聞汝南周敦頤論學遂厭科舉之

習慨然有志求道張橫渠先生載嘗言二程兄弟從十

四五時便脫然欲學聖人故卒得孔孟不傳之學以為

諸儒倡顥生於明道元年頤生於二年侍大中在興國時顥年十三頤年十二所謂濂洛淵源於是乎始也顥仕至太子中允監察御史裏行後謫汝州監稅哲宗召爲宗正丞未行而卒年五十四文彥博題其墓曰明道先生嘉定間諡曰純公頤官至秘書省校書郎卒年七十五學者稱伊川先生諡曰正公

參宋史本傳  
郡縣舊志

張尙瑗曰宋史不以周程張朱並列儒林歐陽永叔蘇子瞻亦不並列文苑宜乎興國流寓不敢以兩先生等夷位置及考一統志流寓之在餘干乃有朱紫陽先生洛陽亦有邵康節許魯齋先生大抵名儒轍

跡所及此邦倚之以爲重聖賢亦隨所之耳豈有異於人哉謹述侍父之出書之爲寓賢稱首

元

滕賓字玉霄睢陽人仁宗英宗間官翰林嘗客遊興國至治辛酉爲監邑忽都必撰拯溺碑記又有題令公巖十景詩皆見於袁天騏舊志又爲邑人鍾氏族譜譔序在延祐二年乙卯中有客遊激江之語陳謨海桑集居南記云玉霄翁爲姚可發所題翁由翰林提文印出江西風流篤厚其筆墨至今傳誦寶愛不替贛平川亦其遊衍嘯歌遺化處故老往往能道翁狂嬉狎酒韻致云

明林志

劉崧字子高原名楚泰和人元至正鄉舉明洪武三年  
第進士任職方郎中北平按察使歷官吏部尚書致仕  
復徵為國子司業卒著有槎翁集初崧年未弱冠嘗客  
遊興國後又與邑令陳文彬善數往遊焉文彬多善政  
修舉廢墜立學校繕城垣以及梵刹道院皆崧為之記  
丁元末造江嶺兵亂崧因避地興國比寇至則又徙而  
之他詩有聞贛被圍東固大坑合兵攻興國懷伯氏子  
中阻亂不得歸又懷一兄四舍弟俱客興國所作自餘

借翻題咏之什尤多林志

陳謨字一德號心吾泰和人弱冠以詩文名虞文靖公  
集見而稱之曰廬陵後來之歐陽子也洪武初召見宋  
學士濂王待制禕請以近侍官之辭疾而歸連應有司  
聘為廣東江西文衡海內言詩文者皆師宗之楊文貞  
公士奇其自出也幼受學推重尤至著有海桑集謨自  
元至正甲辰避兵亂僑居興國去之永豐乙巳春攜家  
復來既應詔赴金陵弟姪仍有留居者林志

張尙瑗曰謨所與遊若呂仲善仲實廖以善羅斗明  
劉啟東李梅所謝維高周景元邱子萬蕭極初姚可

發見之於詩文贈答吳師魯孫觀民王伯貞則同客  
之友也縣令賈思復朱克敬馮某貳令沈司平迴龍  
砦巡檢周伯景驛丞祝某則守土於興賓禮之者也  
黃仲宏以奉使至者也曰仲氏以靜曰姪孫士瞻宗  
族同旅寓於興異地遲歸見之於記憶者也先是二  
十餘年劉槎翁嘗客授鍾廷方家至辛丑壬寅亦以  
避亂依陳令文彬以居其詩文所稱文士則鍾希浩  
鍾廷亨廖月山邨民則陳宗舜儒將則黃進賢方外  
則蒲衣道者楊質練師無邊僧以及掾吏之鍾大觀  
葬師之胡從正醫士之馬如春閱海桑槎翁兩集而

明初之衣冠里巷文采風流亦班班矣獨鍾廷方爲  
槎翁客授主人旣沒而海桑誌其墓曰仲善亦互見  
兩公集中兩家旅蹟前後不相及未嘗形諸唱酬留  
歷下亭飯題山之佳話然同爲西昌詩人同被興朝  
辟命槎翁自北平寓海桑書有才名踰五十年雄聲  
俊彩錡炳風雲之語蓋其交相雅服者至矣

劉鴻字雲表泰和人弱冠舉於鄉兩擬春官第一不獲  
第才名達於禁中憲宗賜以巾曰遮賜免其家徭役邱  
文莊公濬倪文毅公岳戴恭簡公珊皆與爲忘分交所  
居七星坳自號七星居士詩文集十二卷嗜酒好遊嘗



旅寓興邑邑之求銘誄贊序者爭乞七星先生以爲重  
邑令曾選尤禮敬焉

志林

鍾瓘字良玉號西坡永豐人成化戊戌進士其先自興  
國徙居永豐所居村曰閩溪瓘素負氣節宰咸寧以直  
道忤時致政歸所著詩有蚤秋集數往來信興諸邑人  
士多從之遊嘗謁越國公祠以歲時不得奉蒸嘗爲憾  
遂命子與宣移家興國邑明經名標諸生名楷孝廉名  
模其七世孫也

志林

劉同升字孝則一字晉卿吉水人崇禎丁丑進士第一  
官翰林修撰謫福建按察司知事乙酉金陵徵爲左中

允辭不拜入贛與楊廷麟萬元吉協謀拒守勞瘁嘔血  
而卒先是嘗往來興國邑令林演培迎館之分司署中  
經月又僑居榔木村門人諸生鍾先聲水閣每出入觀  
者塞途羣兒看狀元同升笑曰後生可畏何渠不若我  
里人至今稱道之

贛郡張志

國朝

梁機字仙來泰和人康熙五十二年舉人六十年登進  
士第授翰林院庶吉士自爲諸生時往來興國與前令  
張尙瑗相唱和其時先後戾止者同郡則贛縣詹敘五  
宜倫蕭緒士相經譚玉書孔經寧都會學鉅倪邱昭衡

成和雋都尹仲禹元貢長寧吳松若之章會昌蕭恂眉  
師諤信豐黃雨田文澍同省則南昌劉紹權宗衡朱朴  
士淳豐城熊來周履廷金谿池漢園漾錦南豐湯若人  
永誠南城張紫芝採新城魯秀玉琇新淦楊百穀侃安  
福顏崧降傳其自他省來者則上杭張鶴峯亨邱仁山  
東陵晉江林惕子棟林立人植武進楊古蔭榭青浦楊  
采南陸榮秀水沈辰遠猷遠靜寧慕霏玉國璵潛山龔  
漢牧黃海陽陳比之珏而吳江人爲多如陳狷亭沂震  
吳雋綺家麒吳超士權吳子孺安世張後村參魯張文  
木嘉理沈酌盈斗祈沈成廈時棟皆尙瑗鄉里也諸人

於興邑山川風土題咏殆遍然惟機寓興國最久膺鄉  
舉後館城北王氏邑人多從受學故家巨族至今猶寶  
藏其詩文

宋昌圖字道原雋都諸生篤守程朱之學規言矩步道  
貌偉然嘗館衣錦鄉與山寮段聖學者講小學近思錄  
多所興起雖樵夫牧豎咸知敬仰

按興邑自二程過化志林列之寓賢之首難乎其爲  
繼矣或謂寓賢宜專載二程二程而外附志流寓以  
明此邦人士於四方名流之戾止斯土者未嘗不繫  
之維之咸欲伸其繼繼之意而特不可與二程夫子

相提並論此其說雖非無見似未免過爲區別也今  
仍從志林體例按時代編次并補入

國朝二人而一時名下士嘗與前令相過從及邑中山  
川人物多因其詩文以傳者姓字亦由是可考云

